







**Simbegwiere**






 Rukia Nantale  
 Benjamin Mitchley  
 Georgette McGlashen  
|| 5  
 Patwa 



**Global Storybooks**

[globalstorybooks.net](http://globalstorybooks.net)

**Simbegwiere**

 Rukia Nantale  
 Benjamin Mitchley  
 Georgette McGlashen



This work is licensed under a Creative Commons  
[Attribution 3.0 International License.](https://creativecommons.org/licenses/by/3.0)  
<https://creativecommons.org/licenses/by/3.0>






Wen Simbegwiere mada did ded, shi did  
sad-sad. Simbegwiere faada did du im bes  
fi tek kier a im daata. Likl bai likl, dem lorn  
fi fiil api agen, wid out Simbegwiere mada.  
Evri maanin dem siddong an taak bout di  
die infronta dem. Evri iivlin dem mek dina  
tugeda. Afta dem wash di pliet dem,  
Simbegwiere faada elp ar wid ar uomwok.



Wan die Simbegwiere faada kom nom lieta  
dan yuzhal. "We yu de mi pikni?" im kaal.  
Simbegwiere ron go to ar faada. Shi stap  
wan plies wen shi si se ar faada did a nol  
aan pan wahn uman an. "Mi wahn yu fi  
miit sumadi speshal, mi pikni. Dis a Anitta,"  
im se a smail.




“Eluo Simbegwiere, yu faada tel mi uol iip bout yu,” Aniita se. Bot shi neva smail ar tek di pikni an. Simbegwiere faada did api an fiil gud bout we apm. Im did a taak bout di chrii a dem a liv tageda, an ou gud dem laif wuda bi. “Mi pikni, mi uop yu wi tek Aniita fi yu mada,” im se.



Di neks wiik, Aniita aks Simbegwiere an ar kozn dem an anti, fi kom a di yaad fi it fuud. Wat a fiis! Aniita mek aal a Simbegwiere fievarit fuud dem, an evribadi nyam so til dem beli ful. Den di pikni dem ramp miinwail di big piipl dem did a taak. Simbegwiere did fiil api an brief. Shi mek op ar main se suuhn-suuhn, shi wuda go bak uom fi liv wid ar faada an ar stepmada.




Simbegwiere laif chienj. Shi neva av no muor taim fi siddong wid ar faada inna di maanin dem. Anitta did gi ar so moch ous wok fi du dat shi did tuu taiyad fi du ar skuul wok inna di iivin. Shi go schriet a ar bed afta dina. Ar ongl komfat a did di priti- priti blangkit we ar mada did gi ar. Simbegwiere faada neva sium fi nuotis se im daata did sad.



Ar faada go luk fi ar evrddie. Ivenshali, im did kom wid Anitta. Shi uol aan pan Simbegwiere an, "Mi sari-sari likl wan, mi did rang," shi baal se. "Yu wi mek mi chrai agen?" Simbegwiere luk pan ar faada an im fies did luk kansorn. Den shi tek taim waak tuwaadz Anitta an og ar op.




Afta a kopl monts, Simbegwiere faada did tel dem se im wuda gaan we fram uom fi a wail. "Mi jab mek mi afi chravl," im se. "Bot mi nuo se yu wi luk afta unu wananeda." Simbegwiere fies did jrap, bot ar faada neva nuotis. Aniita neva se notn. Shi neva api naida.



Simbegwiere did a ramp wid ar kozn dem wen shi did si ar faada fram wie out. Shi did fried im mait a beks, so shi ron go inna di ous fi aid. Bot ar faada go tu ar se, "Simbegwiere, yu fain di porfek mada fi yuself. Wan uu lov yu an andastan yu. Mi proud a yu an mi lov yu." Dem agrii se Simbegwiere wud a stie wid ar anti fi az lang az shi waahn.




Tingz get wors fi Simbegwiere. Eft shi neva  
don ar ous wok, ar shi komplien, Anita lik  
ar. An wen a dina taim, di uman nyam  
muos a di fuud, an lef likl bit fi  
Simbegwiere. Evri nait Simbegwiere baal til  
shi jrap aslilip, a og op ar mada blangkit.



Wen Simbegwiere faada kom bak uom, im  
fain ar ruum emti. "A wa apm, Anita?" im  
se wid a evi aat. Di uman tel im se  
Simbegwiere did ron we. "Mi did waahn ar  
fi rispek me," shi se. "Bot miebi mi did tuu  
schrik pan ar." Simbegwiere faada lef di  
ous an go inna di direkshan a di riva. Im  
kantinyuu go schriet a im sista vilij fi fain  
out eft shi did si Simbegwiere.




Wan maanin, Simbegwiere did wiek op liet. "Yu liezi gyal pikni!" Aniita baal out. Shi jrag Simbegwiere aaf a di bed. Di speshal blangkit kech pan wahn niel, an tier inna tuu.




Simbegwiere anti tek di pikni go a fi ar yaad. Shi did gi Simbegwiere waam fuud, an put ar fi sliip inna wan bed wid ar mada blangkit. Da nait de, Simbegwiere baal az shi a jrap asliip. Bot a did yai-waata kaaz shi fiil riliif. Shi nuo se dat ar anti wud a luk afta ar.






Simbegwiere did wel opset. Shi mek op ar  
main fi ron we fram uom. Shi did tek di  
pisisz dem fram ar mada blangkit, pak op  
som fuud, an lef di ous. Shi tek di ruod we  
ar faada di tek.



Di uman did luk op inna di chril. Wen shi si  
di gyal pikni an di pisisz a di priti-priti  
blangkit, shi baal, "Simbegwiere, mi breda  
pikni!" Di ada uman dem stap wash an elp  
Simbegwiere fi klaim dong outta di chril. Ar  
anti og op di likl gyal pikni an chril fi  
komfat ar.



Wen iivlin kom, shi klaim go op inna wahn taal chrii nier wahn riva an mek a bed fi arself inna di lim dem. Az shi a jrap asliip, si did a sing: "Maama, maama, maama yu lef mi. Yu lef mi an neva kom bak. Papa no lov mi no muor. Mama, wen yu ago kom bak? Yu lef me."



Di neks maanin Simbegwiere did a sing di sang agen. Wen di uman dem did kom wash dem kluoz dem a di riva, dem did ier di sad sang a kom fram di taal chrii. Dem did tingk se a did onggel di briiz a bluo di liif dem, an did gwaan du dem wok. Bot wan a dem lisen gud-gud tu di sang.